

**Transparency  
International tassaavoq  
nunarsuarmi peqquserlulluni  
iluanaarniarnermut akiuisuni suliniaqa-  
tigiiffik annersaat. Suliniaqatigiiffik 100-nik  
sinnilinnik nunarsuarmi immikkoortotaqarfe-  
qarpoq Berlinimilu allattoqarfeqarluni. Peqqu-  
serlulluni iluanaarniarluni ajornartorsiutit pillugit  
uppernarsaallutalu eqqumaffigineqarnerulernissaa  
sulissutigaarput; naalagaaffiit, inuussutissarsi-  
ornermik suliallit inuiaqatigiillu suleqatigaagut  
peqquserlulluni iluanaarniarnermik  
akiuisunik aaqqissuussanik  
atortuulersitiniarnermik  
suliaqarluta.**

# IMARISAI

SIULEQUT

**4**

INTERNATIONAL  
ANTI-KORRUPTION  
KONFERENCE IACC 2024

**6**

GLOBAL CORRUPTION  
BAROMETER  
ANALYSEWORKSHOP

**9**

AQUTSISUT  
NALUNAARUSIAAT

**5**

SUMMERSCHOOL  
ON INTEGRITY

**6**

SULIAT/  
TUSAGASSIORFINNUT  
NALUNAARUTTI

**9**

UKIUP  
INGERLANERANI  
PISIMASUT

**6**

ANNUAL  
MEMBERSHIP  
MEETING 2024

**8**

ILAASORTANIK  
ATAATSIMIITTSINERIT

**9**

PERIUSISSIAQ

**6**

NAALAKKERSUISUT  
SIULITTAASUANNUT  
ALLAKKAT AMMASUT

**8**

PASINAPILUTTUMIK  
KALERRIISOQ

**10**

PEQQUSERLULLUNI  
ILUANAARNIARMIK  
AKIUISSAMIK  
PILERSAARUSIAQ

**10**

KALAALLIT  
NUNAANNI  
AMMASUUNERMUT  
NERSORNAAT

**11**

ILEQQORISSAARNERMUT  
KOMITEP ILAASORTAI

**12**

SAAFFIGINNISSUTIT

**10**

KATTUFFIK

**11**

ANINGAASAQARNEQ

**12**

SULIFFISSUAQARFINNI  
NAMMINERSORLUTIK  
OQARTUSSANIT  
PIGINEQARTUNI SIULERSUISUT

**11**

SIULERSUISUT  
KATTIGAANERAT

**11**

ANINGAASAATEQARFIIT  
TAPISSUTILLU

**12**

FACEBOOK

**11**

SULIFFEQARFIIT  
ILUINI WHISTLE-  
BLOWEREQARNISSAQ  
INNARLIISARNERMULLU  
POLITIKKEQARNISSAQ

**12**

TRANSPARENCY  
INTERNATIONAL  
Nunarsuaq tamakkerlu  
atuuttumik peqquserlut-  
tamermut akiuiniyaqatiiffik

**13**

# SIULEQUT

Transparency International Greenland (TIG) 2011-mi sulisitsisunit, inatsisilerituunut ilisimatuunillu pilersinneqarnikuuvoq. 2022-milu akuerisaaqqilluni, 2025-milu akuerisaaqqinnissaa neriuutigaarput.

2024-p ingerlanerani maluginiarsimavarput TIG taamaattussaannartut isigineqarnera. Inatsisissatut siunnersuutit allannguutilluunniit tusarniaassutigineqaraangata akissuteqartarnissarput Namminersorlutik Oqartussaniit naatsorsuutigineqartarpoq assigiinngitsutigullu isorinnittumik oqaaseqartarnissarput tusagassiuutinit naatsorsuutigineqarluni. Uanili naqissusertariaqparput, peqatigiiffiit ilaasortaasa kisimik aaliangersinnaavaat peqatigiiffik qanoq nukittutigissanersoq. Suliffeqarfinni sipaarniuteqarnerit pequtigalugit ilaasortat marluk ilaasortaajunnaarsimapput, kajumissutsiminnillu sulinissamat piffissalinnik ilaasortanik nutaanik nassaarniarneq ajornakusoorsimavoq.

Nunarsuaq tamakkerlugu suliniaqatigiiffinnut, ataatsimut anguniakkatigut periusissamik suliaqarsimasunut, Holding Power to Account 2021-2030-mik taaguutilimmut peqataavugut. Taanna tunuliaqtsiullugu KalaallitNunaanni 2021-2025-mut periusissioinikuuvugut.

Nunarsuaq tamakkerlugumut suleqateqarnissarput pingarteqaarput, misilittakkatsinnik avitseqateqartarnissarput eqarsaatigalugu. Tamannarpiaq pissutigalugu ukioq manna Transparency International aqutigalugu ataatsimeersuarnerni saqqummiilluta peqataaffeqarpugut. TIG tunuarsi-maartuunngilaq avataaniik tikeraaqartillugu peqataasarnisanut, tusagassiorfinneersuuppata, ambassadeqarfinningaanneersuuppata EU-meersuuppataluunniit.

Uagut maani immikkut soqutigisaraarput inuiaqatigiinni sutigut tamatigut akimut ersarissaanerup isumaata/sunniutaata sumiinnera maluginiarnissaa paasisaqarfiginissaalu. Taamaattumik TIG ukiup ingerlanerani oqallifinni peqataasarsimanermi saniatigut seminareqartuni ataatsimeeqatigiittuni saqqummiisarsimavoq.

Saqqumilaarusulluta akimut ersarisaasariaqarneranillu oqariartuutilittut malugitikkusunnerput takutikussullugu ukiup ingerlanerani tusagassiuutitigut sammisanut oqaaseqaateqartarsimavugut. Taakkua saniatigut apeqqarissaarfigineqartarlutalu tusagassiuutitigut immersuuteqallattaasarnikuuvugut ataatsimut isigalugu qanoq peqquserluuteqarsimasut iliuuseqarfigineqarsinnaanerannik tikkuussisunik.

Immikkut taasaqassagutta 2024-mi marluk sulinitsinni initunikut uku taasinnaavagut.

1. Whistleblowerit illersugaasinnaanissaannut inatsit Inatsisartunit akuerineqarpoq.
2. Ammasuunermut nersornaat 2024, aatsaalli januaarip 24-ani 2025 tunniunneqartussaq.

Ukioq 2024 unammillernarsimavoq ilaasortat akiliutaasa ikilineri siulersuinilu ilaasortat nikerarneri peqqutigalugit. Isumalluarlutali 2025-mi peqquserluttarneq akiorniarlugu suliniuteqarnitta ingerlateqqinnissaanut qilanaarpugut.

*Inussiarnersumik Inuulluaqqusilluta*

*Transparency International Greenlandimi Siulersuisut*

*Inuk Lundblad, Birita í Dali, Sheila Sariboga, Dorte Munch, Tobias Qvist-Aaen*

# AQUTSISUT NALUNAARUSIAAT

## SAMMISAT PINGAARNERIT

Tranparency International Greenland (TIG) kajumissuseq tunngavigalugu sulliviuvoq, Kalaallit Nunaanni peqquserluttarneq akiorniarlugu sullissivittut immikkoortortaqarfik Nunarsuaq tamakkerlugu ingerlassiviup Transparency Internationalip ataani inissisimasooq (Immikkoortatut). TIG Transparency Internationalimit 2022-mi akuerisaaqqippooq taamaalilluni immikkoortatut ingerlaqqissinnaangorluni.

Peqatigiiffiup siunertaraa, peqquserlulluni iluanaarniartarnermik akiuinissani, nunap iluani nunarsuullu sinnerani, tamanna ingerlavoq Transparency International, suleqatigalugu. Peqquserlulluni iluanaarniarneq nassuiarlugu imaappooq pissaanermik tunniunneqarsimasumik atornerluineq/peqquseraarneq nammineq iluanaaruteqarusunnermik siunertalimmik. Peqatigiiffiup peqquserlulluni iluanaarniarneq akiorniarlugu uku inassutigai qullersaqarfinni tamat malinnaaffigisinnaasaannik ingerlariuseqalernissaq, suliffeqarfinni ammasumik ingerlariuseqartoqassasooq kiisalu sutigut tamatigut ataatsimut isigalugu inuiaqatigiinni akimut ersarissaasooqartassasooq peqquserluttarnerlu taassumalu kingunerluutigisinnaasai pillugit taamattaq inuiaqatigiinni qaammarsaasooqartassasooq.

Peqatigiiffippot pisussaaffilernikuvoq Transparency Internationalip maleruaqqusutaanik malinnaassalluni, inatsiseqarneranut, allaffisornikkut ingerlariusaannut il. il. Namminersortuuppata pisortatigut ingerlatsiviuppata periusaasigut alapernaaserfigalugit peqquserluffiunersut imaluunniit peqquserlunnermut akiuinersut sanngiiffeqarsimappata sanngiiffiinik oqaluttuullugit pitsannguutaasinnaasunillu siunersuuteqarfigalugit.

## SAMMISATIGUT ANINGAASAQARNIKKULLU INERIARTUUTIT

Ukiumoortumik naatsorsueqqissarnermi inernerit malillugit 17.879 koruuninik amigartooruteqarpoq siornamut amigartoorutitsinnut 48.264 koruuninut sanilliullugu. Peqatigiiffiup aningaasaqarnera, ilaasortat akiliutaannik kiisalu aningaasaateqarfinnit tapiissutinit ingerlasuuvoq. GrønlandsBankip Inuussutissarsiornermut Aningaasaateqarfia 75.000 kr.-ninik tapiissuteqarnikuvoq sammisassianut pilersaarusiukkanut allaffissornermullu ingerlatsinermit siunertalikkaniik taava aamma Tips- og Lotto siunertanut taak-kununnga 90.000 kr.-ninik tapiissuteqarluni.

Sammisagut siulersuisut akissarsinertaqanngitsumik kajumissutsimikkut sullissinerisigut ingerlassaasarput. Allaffippot akilimmik sap. ak.-nut akunnerit 15-t sulisoqartarpugut. TIG-p periusissiaa 2021-2025, Tranparency Internationalip periusissiaani 2030-mi, maleruaqqussutit "Holding Power to Accountimiittut" malillugit suliaavoq.

2024-mi TIG-p katillugit tusarniaanerni pingasunik akis-suteqaateqarsimavoq.

# UKIUP INGERLANERANI PISIMASUT

## PERIUSISSIAQ

Siulersuisut pimoorussassamissut qitiliullugit 2021-2025-mut anguniagassavitik arfinillit aaliangersaateqarnikuupput ima qulequtserlugit Transparency International Greenlandip akimut ersarissanissat pillugit, pissaanermik atonerluineq peqquserluttarnerlu akiornarlugit oqallifinni, nipi pingaarutilik ersarissaq atorlugu peqataasarnermigut, inissisimaffini nukittorsarniarpa. Periusissiaq link<sup>1</sup> aqqutigalugu nassarineqarsinnaavoq.

1. alapernaasertussaq
2. ilusilersuinerlut suliallu ingerlanneqarnerinut sunniuteqaqataasinnaaneq
3. ilisimasani katersaateqarfik
4. kattuffik attaveqaqatigiinnikkut erseqqissoq
5. nunatta iluani peqquserluutaasimasunik ilisimasaniq siummarterineq
6. aningaasatigut isumannaatsumik toqqammaveqarneq

## INTERNATIONAL ANTI-KORRUPTION KONFERENCE IACC 2024

Transparency International Greenland peqquserlulluni iluanaarniarnermut akiuiniaqatigiit ataatsimeersuaqatigiinernerisa annersaanni peqataavoq.

Ataatsimeersuaqatigiinneq Lithauen-ip illoqarfiisa pingaarnersaani Vilniusimi ingerlanneqarpoq juunip ulluia 18-aniit 21-iata tungaanut. Nunanit assigiinngitsuniit 100-nik sinilinniit 2.000-nik ikinnerunngitsunik peqataasoqarpoq, najukkaminni, nunagisami nunanilu tamalaani sapiissuseqarlutik innarligaassannginnermik akimullu ersarissaanermik illersuinermik sorsuutiginnittartunik. Tamakkerluta ataatsimiinnikkut, workshopertitsinikkut isiginnaagassiallu aqqutigalugit nunarsuaq tamakkerlugumi ileqqorlulluni peqquserluttuliortut qulaajarpagut.

Inaarutaasumik nalunaarsuaq peqataasunut pisussaaffilivoq, peqquserlulluni iluanaarniarnermut akiuisartunut illersuinissamut; avatangiisinut pinerluttuliortarnermut akiuinissamut; aqutsisunik pisortat aningaasaataannik atonerluisunik, pinerluttunik, inunnuk niuerutiginnittartunik pinerloqataanillu unitsitsinissamut; nunarsuarmi nalorninartorsiornermik eqqissiviillortitsinernillu pinaveersaartitsinissamut; nunarsuarmi aningaasaqarnerup ileqqorissaarnermik tun-

ngavilimmik ineriartortitsinissamut, kiisalu tunngaviummik naleqartitat inuit pisinnaatitaaffi tamallu oqartusaaqataanerannut tunngasunik malinninnissamut.

<sup>2</sup>Nunatsinniit peqataapput siulersuisunut ilaasortaq Sheila Sariboga allaffissornermullu aqutsisoq Bodil Karlshøj. Aia Lyberth Jeppson ataatsimeersuarnermi ullut ilaasa peqataaffigai, piffimmilu inuusuttunut innarligassaanginneq qulequtaralugu aasaanerani atuartitsivimmi peqataalluni. Transparency International Greenland peqataavoq ilisimasaniq aalluataa nunatsinnilu suliniteqarnerminni isumassarisanik atorsinnaasaminik pissarsiaqarniutaa.

Tips- & Lottopuljen-imiit aningaasaliisoqarneratigut ataatsimeersuarnermut peqataatitaqarsinnaasimavugut.

## SUMMERSCHOOL ON INTEGRITY

Lithauenimi TI-p immikkoortortaa ukiut tamaasa Integrity School ingerlattarpaa, inuusuttuaqqat nunarsuaq tamakkerlugumeersut qinnuteqarfigisinnaasaannik.<sup>3</sup> Ukiut tamaasa TIG inuusuttuaqqat peqataanissannut kaammattuisarpoq, nunatsinneersumullu inuusuttumut ataatsimut Grønlandsbankenimiit aningaasatigut tapiissuteqartarluni. 2024-mi toqqarneqarpoq Aia Lyberth Jeppson. GrønlandsBANKEN-ip inuusutissarsiornermut aningaasaateqarfiata tapiissuteqarneratigut TIG-miik tapersiinnaasimavugut.

Aia Lyberth Jeppson: "Juuni 2024-mi Litauenimiippunga, peqquserluttarnermut akiuiniaqatigiit nunarsuarmi ataatsimeersuaqatigiitinneqarnerannut peqataajartorlunga. IACC konferencenimik taaguutilimmi (International anti-corruption conference) nunarsuaq tamakkerlugumeersunik saqqummii-soqartoqattaarfiusumi. Ataatsimeersuareernerup kingorna malitsigitillugu "Transparency International – School on integrity"-mik taaguutilimmut peqataajartorpunga nunarsuaq tamakkerlugumeersorpassuit inuusooqatikka peqatigissusaallugit. Junip 19-at 2024 Litauenimut tikippunga. Aatsaat nuna taanna tikittussaagakku, suna tamarmi nutaajusussaq pissanganarsuaarlunilu. Tikikkatta ulloq siulleq inisatsinnut iserternermut sungiussiniaqqaarnermut tikilluartinneqarnermut ulloq naallugu atorparput, sap.ak. tassaniittussaalluta. Junip 20-at pisussaq sammisassallu aallarnerneqarput. Ullaakkut arfinerlut makilluta ullaakkorsioqatiippugut taamaalereattalu bus-erluta IACC-mut ataatsimmersuar-nissartaanukarluta. Tassani sammijumaagassat suussaneri

<sup>1</sup> <https://transparency.gl/saqqummersittakat-sakkussallu/>

<sup>2</sup> <https://iaccseries.org/the-21st-iacc-vilnius-declaration-confronting-global-threats-standing-up-for-integrity/>

<sup>3</sup> <https://transparencyschool.org/>



Kinguassiuutitigut kannuttaattsuliortarneq (sextortion) pillugu workshopi.



Nipilersortartut inuusuttut peqquserulluni iluanaarnarnerput akiuniaqa-tigii



Silap pissusaata allanngoriartorneranik akiuiniamermi periarfissaasinnaasut pillugit workshopi.



Bodil Karlshøj, Sheila Sariboga, Aia Jeppson



tamakkiisumik nassuiarneqarput taamaalisoqareermat eqimattakkaarluta oqaloqatigiinnissatsinnut ammaalluta periarfissippaatigut. Taava kinguninngua, peqquserluttarnermut isiginnittariaatsinik assigiinngitsunik sisamanik aallavilimmik, saqqummiisoqarpoq. Uanga “Fighting Corruption in Latin America” soqutiginarinnerpaavara. Saqqummiisup Latinamerikami pissutsit massakorpiaq atuuttut eqqartorpai qanorlu akiorniarnerlugit aammattaaq nassuiaalluni assorsuaq pissarsiaqarnarlunilu isumassarsinartumik. Saqqummiisut sisamat piareermata apeqquaqarsinnaaneq tikippaat aammalumi periarfissaq taanna ikattut atorluar-paat. Ajoraluartumilli ilaannakortumik saqqummiisut peqataaffigaakka, isigaga ulortoorakku, nakorsiuuttariaqalerlugu. Ulloq takinaarlugu qasorrakkatta, akunnerup affaa piffissaralugu atisagut taarsierarlutigit, Tuluit allatsitaqarfianni receptionertitsisunukarpugut. Ornitatsinni saqqummiisullu atuarfimmullu aningaasaliinikut naapeqqippagut taamaalilluta attaveqatigiilersinnaanissatsinnut periarfissinneqartutut illuta. Uanga immikkut amat eqimattat Ukrainemeersut oqaloqatigineruakka, piorsarsimassutsikkut pitsinnik/misigisatsinnik avitseqatigiilluarluta. Pinngortitartik sorsunnerlu oqaluttuaraat, tassuunatigut itinerusumik uannut paasinnissinnaalernerq piulerluni. Aammattaaq mamakujunnik nunani taakkunani tamaginneersunik usseeqattaarpugut, nuannerlunilu ilikkagassaqaartitsisumik. Juunip 21-ani ataatsimeersuarneq nangipparput, ullormut tassani qulequtarinneqarpoq aningaasatigut unioqqutitsilluni pinerluttarnernik akiuinarneq. Parnaarussivikorsuaq pulaarlutigu piviusulersaarut “The Accidental President” Sviatlana Tsikhanouskaya pillugu isiginnaagassiaq, isiginnaarparput. Piviusulersaarutip takunerani misigissutsikkut sakkortuvoq, immikkuullarissumillu isiginnaareerlugu inuttaa Tsikhanouskaya najuuttoq toqqa-annaq apeqquaqarfigisinnaallutigu. Juunip 22-at atuarfimmi saqqummiinerit assigiinngitsut orneqattaarlutigit peqataaffigeqattaarpagut “Theater of the Oppressed”-lu peqataalluta misilillutigu. Isiginnaartitsissusiaralugu takutipparput peqqinnissaqarfimmi akililluni peqquserluttoqartoq qanorlu pinerluttoqannginnissaa pinaveersaartissinnaanerlutigu. Misigisaq pimoorussinarlunilu ilikkagaqarnaqaaq. Unnukkuani Vilnius takornariarparput, nereqatigiinnermik imerniartarfimmullu nikaqatigiinnermik naggaserlugu, immitsinnut ilisareqatigiinnerusinnaalluta. Juunip ulluisa 23-anni sammisaqarnerput

sivikinnerutinneqarpoq aasarissioortorsioqatigiinnerannut peqataasussaanerput pissutigalugu. Aasap nalliussineqarne-rani qitiit takutitaat nuannerujussuarput alutorarujussuarlu-tik, Kalaallit Nunatsinni qitinnut assigummata, ileqqorisaa-nut sakkortuumik qanillinarlunilu atanarluni. Juunip ulluisa 24-anni Vilniusimi Naalakkersuisoqarfik alakkarpurput, Naalakkersuisullu Siulittaasuat assiliseqatigalutigu. Atuarfi-liaqqikkatta saqqummiisoqarpoq, peqquserluttarneq aningaasatigullu pinerluuteqartarneq, inuup pissusilersuu-taaniik tunngavilersukkamik, nassuiarneqarlutik. Saqqummii-soq, angut utoqqasaaq, oqalloreqaaq quiasaarutinillu akun-niillattaasarnarluni. Unnukkuani atuaqatitta ilaat arsaatto-qatigaakka, nuannisaqatigiivissorluta. Junuip ulluisa 25-anni Revolut pulaarparput, Litauenimi aningaaserivik, tassani pisortaa naapisimaarparput saqqummiiffiqineqarlutalu. Atuarfimmu uteqqikkatta kryptovalutamut tunngasumik saqqummiivigineqarpoq, paasiumaatsitannik. Ulloq taanna atuarinneqarnerup naggatigaa, unnukkuani ikinngu-titaara Kasakhstanermioq ilagerujoorpara. Litauenimut anga-lanera pissanganartunik ulikkaarpoq, kammattaartorfiuvoq, peqquserluttarnerlu piorsarsimassutsikkullu assigiinngissuti-nut tunngasunik itinerusumik paasisaqaqlernarluni. Ullut isumassarsiarpassuaqarnarlutillu nutaanik misigisarpassua-qarnarput. Pingaartitarisassaaq unaavoq, sukkulluunniit pe-qquserluttarneq sammuiagarissagippugut, ajornartorsiuataam-mat, sumiluunniit sumiluunniit atuuttoq –annikinnerusumik annertunerusumilluunniit. Ilisimasatigut misilittakkatigullu pigisatsinnik avitseqatigiittarnitsigut, suleqatigiissutigisinnaa-varput anguniagaralugulu nunarsuarmik naapertuuttumik akimullu ersarissakkami ingerlasoqalernissaanik qulakkee-rinninniamissaaq.”

## ANNUAL MEMBERSHIP MEETING 2024

Immikkoortortaqaqfinni 100-juusuni aallartitat november qaammat ukiumoortumik ataatsimeersuaqatigiippugut. Tamanna nittartakkakku ingerlanneqarpoq.

Ataatsimiinneq, siulittaasumiit Francois Valérianimiit siulittaasullu tullianiit Ketakandriana Rafitosonimiit, ingerlanneqarpoq. Tamanullu nalunaarusianik nutaanik aalianger-saasoqarpoq, periusissiap ataatsimoorussap *Holding Power to Account*-ip saniatigut immikkoortortaqaqfimmu tamanut atuuttussanngortussanik. Nalunaarusiap ataatsip, ‘Integration of Occupation as a factor Exacerbating Corruption in Transparency International’s Position’, siviisumik oqallisigineqarpoq, isumaqataaffiqineqarlunilu akerleriissutaavoq. Amerlanerussuteqarqatarluni akuersissutigineqarpoq TI-gillu pilersaarusiukkamik suliniutaani ilanngunneqarumarluni.

TI-Kalaallit Nunaat ataatsimiinnermi iliuuseqataalluni peqataavoq.



Bodil Karlshøj sekretariatianni  
Berlinimi workshopertillugu



## NAALAKKERSUISUT SIULITTAASUANNUT ALLAKKAT AMMASUT

Septembarip qaammataani allakkanik ammasunik Naalakkersuisunut allagaqarpugut, eqqaassitsisutugalugit suliasat piginneqatigiiffinni aqutsilluarnissamut najoqqutassiamut, peqquserlulluni iluanaarniarnermik akiuiniarnermut pasinapiluttumillu kalerriisunik illersuineq pillugu inatsit pillugu qaammarsaanermut tunngasut pillugit akissuteqaq-qullugit. Allakkat linki una toorlugi atuarneqarsinnaapput

<https://transparency.gl/nutaarsiuussat>

Kingorna Ingerlatseqatigiiffinnut allattoqarfik ataatsimeeqatiginerani Piginnittuunermut politikki 28. marts 2023-meersoq naapertorlugi Naalakkersuisut aqutsinermut allagataat – Namminersorlutik Oqartussat Aktianik piginneqatigiiffii pillugit TIG ilisimatinneqarpoq. Apeqqutit qaqqineqartut allat pillugit allakkatigut akissuteqartoqarnissaa neriorsuutigin eqarsimagaluarpoq, ukiulli matuma naanerani sulii akissutinik tigusaqanngilagut.

## GLOBAL CORRUPTION BAROMETER ANALYSEWORKSHOP

Novembarip qaammataani allaffissornermut aqutsisorput Bodil Karlshøj Transparency Internationalimiit Berlinimi workshopimut peqataanissaminut qaaqquneqarpoq. Workshopimi siunertaavoq nunarsuaq tamakkerlugi misissuisit-sinermiit Europamiit paasissutissartaanik misissuineq. Nutartikkamik nunarsuaq tamakkerlugi misissuisoqarnissaanut Transparency International sulii aningaasaliisussarsiorpoq. Nunat peqataasut nunagisami namminneq pilersaaruisiornissaminut pisinnaatitaaffilerneqarput.

Workshopertitsineri TIG-p misissuineraniit saqqummisooqarpoq.

## SULIAT/TUSAGASSIORFINNUT NALUNAARUTIT

Tusagassiorfinnut nalunaarutit tamarmik nittartakkatsinni nassaarineqarsinnaapput <https://transparency.gl/da/nyheder/>

- **Februari:** Alexey Nevalny pillugu eqqaaniut
- **Marsi:** Ileqquummik ataatsimeersuarneq 2024
- **Marsi:** Tusagassiiutit inuiaqatigiiaqqani – Kalaallit Nunaat Savalimmiullu
- **Maaji:** Elna Egede pillugu eqqaaniut
- **Maaji:** Ilaasortanik ataatsimiititsineq immikkullu ittumik ataatsimeersuarneq
- **Juuli:** IACC 2024 pillugu
- **Septembari:** Pact of the Future
- **Septembari:** Peqquserlulluni iluanaarniarnermut akiuiniarnermi suliniutip tullerissaarnermi salliutin-neqarnissaanut kajumissaarutit allakkat ammasut
- **Oktobari:** Immikkut ittumik ataatsimeersuarneq
- **Novembari:** Ammasuunermut nersornaat 2024
- **Decembari:** Ammasuunermut nersornaat – piffissaliussaqaq nutaaq
- **Decembari:** Kalaallit Nunatsinni aatsitassarsiorneq inuiaqatigiinnut iluanaarutaassaaq

## ILAASORTANIK ATAATSIMIITTSINERIT

### *Pasinapiluttumik kalerriisunik illersuineq pillugu*

Juunip ulluisa tallimaani ilaasortanik ataatsimiititsioqarpoq, oqaluttuarisaaneq pillugu Inuk Lundbladimit saqqumiinertalimmik. Inatsisartuni ilaasortaqaq siunnersuusiortorlu Aasi Chemnitz Narup inatsisip pinngoriartorsimanerani oqaluttuarpoq, taamatullu eqqartuussisuuserisoq Tobias Qvist-Aaenip inatsisip imarisaanik nassuiaateqarluni.

### *Tusagassiiutit inuiaqatigiiaqqani*

Transparencyp ilisimatusarfiullu februarip 27-ani qaaqqusil-luni aaqqissugaani tusagassiiutit oqallisigineqarput.

Birita í Dali, TIG-mi siulersuisunut ilaasortaqaq, ataatsimiinneq aallarnerlugi oqaatigaa, ammasuuneq oqallinnerlu inuiaqa-



Inuiaqatigiiaqqat iluaqutai – unamillernartortau

**”Assersuutaasinnaavoq  
meerarisat illersornissaat.  
Meerarisat sulisitsiuinik  
apeqqusiilluni tusagassiorneq  
akunnakusoortitsisinnaavoq.  
Nalunngilaanngami kinaasunga  
– meeqqakkalu kikkuunersut.”**

*Katrin Petersen, Kringvarp Føroyami  
nutaarsiassaqaqarnermut pisortaq*

tigiti ammanerusumik ingerlalnissaannut qitiulluinnartut. Tusagassiuutit pissaanermik atonerluinermik qulaajaasinnaasut inissisimani erseqqissaatigaa. Inuiaqatigiinni oqartussaaqatigiinnerup ingerlalluarnissaanut tusagassiuutit pingaarutulerujussuurtut inissisimapput. Inuiaqatigiiaqqani tusagassiorneq immikkut mianersorfissaavoq, taamaattumillu inuiaqatigiinni ammasumik ingerlatsiumasuni tusagassiuutit qitiusutut inissisimani erseqqissaatigaa. Inuiaqatigiinni oqartussaaqatigiinnerup ingerlalluarnissaanut tusagassiuutit pingaarutulerujussuurtut inissisimapput. Inuiaqatigiiaqqani tusagassiorneq immikkut mianersorfissaavoq, taamaattumillu inuiaqatigiinni ammasumik ingerlatsiumasuni tusagassiuutit qitiusutut inissisimani erseqqissaatigaa.

Signe Ravn-Højgaardip ph.d-tut allaaserisami ilaa saqqummiuppa, Inuiaqatigiiaqqani tamanut saqqumineq – Kalaallit Nunaanni tusagassiuutit pillugit misissuineq.

Katrin Petersen, Kringvarp Føroyami nutaarsiassaqaqarnermut pisortaasoq, Savalimmiumi tusagassiuutinerneq inuiaqatigiiaqqanilu apeqqusiinnaalluni tusagassiornerup unamillernartortai pillugit saqqummiilluni.

Arnaq Nielsen, tusagassiuinermi sulisut peqatigiiffiata siullitaasua, KNR-mi nutaarsiassaqaqarnermut pisortaq, Alice Sørensen, peqatigalugu ulluinnarni tusagassiornerup sulinerne unamillernartut pillugit oqaluttuarput.

#### *Transparency filmeqatigalugu*

Ilaasortat ilinniartullu IACC 2024-mi misillitakkat pillugit saqqummiisoqarnissaanut isiginnaagassiallu ”The Grab”-ip takutinneqarnissaanut qaaqqusaapput.

## PASINAPILUTTUMIK KALERRIISOQ

Inatsisartut 2022-mi upernaakkut ataatsimiinneranni pasinapiluttumik kalerrisut illersorneqarnissaat pillugit inatsisilior-toqarnissaa akuerineqarpoq. Pingaarutilittut alloriaataasumut TIG-p ukiopassuanngortuni noqqaassutiginiikuusaa. Ikiuinis-sarput neqeroorutigaarput, inatsisillu ilusilersorneqarnerani ataasiarluta ataatsimiigjaqqusaavugut. Inatsit 2023-mi siul-lermeerluni aappasaanerlunilu oqallisigineqarpoq, kiisamilu 2024-mi maajip ulluisa 23-anni Inatsisartunit akuerineqar-luni.

Pingajussaanerneqarnerani Naalackersuisut neriorsuipput, atuutsinneqalinninnerani inatsit pillugu paasititsiniaasoqas-asaq. Paasititsiniaanermut TIG-p ikiuinissani neqeroorutigaa, tamannalu tigulluarneqarpoq. Suleqatigiinnissamulli qaaqqu-neqanngilagut – paasititsiniaasoqaranilu.

Kommuneqarfik Sermersooq 2024-p ukiaagaa aaqqiissut pil-lugu nassuiaasiopaq suliffeqarfiullu iluani paasititsiniaalluni. TIG matumunga ikiuuppoq.

## PEQQUSERLULLUNI ILUANAARNIARMIK AKIUISSAMIK PILERSAARUSIAQ

Kalaallit Nunaata Naalagaaffiit Peqatigiit peqquserlulluni iluanaarniarmik akiuinissamik isumaqatigiissutaanut ilaatinneqalernissaa TIG-p ingerlaavartumik aaliangiusimal-lugu kaammatuutigisarsimavaa. 2023-mi ilanngunneqar-nissaa qanilligaluarpoq, Inatsisartuni ilanngunnissaq pillugu aalajangiivigasassatut siunnersuutit oqallisigineqarnerani. Siunnersuut itigartinneqarpoq, taamaattorli Naalackersuisut peqquneqarput peqquserlulluni iluanaarniarmik akiuinis-samut pilersaarusiussasut. Pilersaarusiaq iliuusissanik tigus-saasunik naleqquttunillu imaqartussaavoq. Pissangalluta pilersaarusiaq, atuutilinninnermini tamanut tusarniaassuti-gineqartussaaniartussap, saqqummiunneqarnissaa TIG-miit utaqqivarput.

## SAAFFIGINNISUTIT

Saaffiinnissutaasartut amerliartorneri TIG-p malugaa. Suliassanik tigooqqaanissaminut inunnilluunniit ataasiak-kaanik ikiuisinnaanissaminut TIG nukissaqanngilaq. Inuk pil-lugu paasissutissanut inatsit peqqutigalugu TIG-p saaffigin-nissutaasartut tamakkunuunatigut toqqortaatisinnaasan-gilaat, aammalumi saaffiinnittunut tamanna paasissutis-siissutigisarlugu. Suliakkiukkusutaagalup sumut tunnga-suunera apeqqutaatillugu innersuussuteqarfigisarpagut sumut saaffiinnissutigissaneraat, ass. ombudsmandimuu-sinnaavoq, politiinuusinnaavoq imaluunniilli inatsisitigut ikiuisarfimmut Ikiumut. Siulersuisut/allaffeqarfik saaffigin-nittut ataasiakkaat naapeqatigisarnikuuaat. Naapeqatigiin-neq siunertaligaasarpog peqatigiiffiata siunissami sulieru-

Ullormi inatsisip suliarineqarnerani TIG Facebookikkut allagaqarpoq.

serisinnaasassaanut innersuussutigisinnaasaannik pissar-siaqaateqarfigiumallugit.

## **SULIFFISSUAQARFINNI NAMMINERSORLUTIK OQARTUSSANIT PIGINEQARTUNI SIULERSUISUT**

Ukiuni aqqanilinni kingullerni Namminersorlutik Oqartussat pigisaanni suliffissuaqarfiit siulersuisuini ilaasortassanik toqqaaniartoqartillugu ammasumik ingerlanneqartarnisaa Transparency International Greenlandip ugartuursimavaa. TIG-p kingullermik 2022-mi tamanna ujartuiffigisimavaa. 2023-mi siammasissumik politikikkut aaliangersagaq saqqummiunneqarpoq piginnittuunermut najoqqutassiat. 2024-p ukiaagaa Naalakkersuisut nutaanik malittarisassiorput, "Piginnittuunermut politikki 28. marts 2023- meersoq naapertorlugu Naalakkersuisut aqutsinermut allagaataa – Namminersorlutik Oqartussat Aktianik piginneqatigiiffii" isumaqatigiissutigeqarneratigut. Allattoqarfiup ataatsimeeqatiginerani malittarisassat pingaarutilimmik alloriarfiusut TIG-p oqaatigaa, aammali ingerlatseqatigiiffiinnut peqquserulluni iluanaarniarnermik akiuunermut politikkilooqqsinerat tigussaenerusumik itisilerneqarnerusariaqartoq, oqariartuutigalugu.

## **FACEBOOK**

Peqatigiiffik facebookikkut 1600-nik malitseqarpoq, 3400-mik isorartussuulimmik. TIG-p tassuuna saqqummiussani aallaavittut kalaallisullu qallunaatullu allattarpari. Ataasiakkaanguit Transparency Internationalinngaaneersut ikkunneqartarput, taakkuli kisianni kalaallisuunngortinneqarneq ajorput. Tusagassiuitigut nalunaarutit, nalunaarusiat nutaat peqatigiiffillu pillugit allaaserisat aamma facebookikkut saqqummiunneqartarput. TIG-p saqqummiussai amerlasuut del-erneqartarput. Inuppaaluit aamma messengeri atorlugu TIG-mut attaveqartarput.

## **KALAALLIT NUNAANNI AMMASUUNERMUT NERSORNAAT**

Ammasuunermut nersornaat siullermeertumik 2023-mi tunniunneqarnikuuvoq. Ammasuunermut nersornaasiisarnermi siunertaavoq Kalaallini Inuiaqatigiinni innuttanik nersorinnikkusunneq, Kalaallit Nunaanni inuiaqatigiinni ammasuunissamik sulissuteqartunik, takutitserusuttunillu qanoq ileqqorlulluni iluanaarniarnernerit kinguneqarsinnaasartut. Suliniutaasalumi takutittarpari, qanoq pingaaruteqartigisoq ileqqorlulluni iluanaarniarniarnermik pimoorussamik akiuuniarluni sulissuteqartuarnissap pingaaruteqassusaa.

2024-mi novembarip qaammataani ilaasortanut saaffigininnikkut Facebookikkullu annocemik ikkussinikkut nersornaammut piukkunneqartunik nalunaarutigeqqussilluta kajumissaarivugut. Piukkunneqartutut nalunaarutit ikkipal-

laarneri peqqutigalugu nalunaarissamut killigititaq januaari-urp ulluisa 24-anni 2025-mut sivitsorneqarpoq.



*Nersornaatip allagartaa ersarippoq. Ammasumik ingerlatsinerup pissaanermik atornerluinermik qanitanillu salliutitsinermik akiuisuuneranik takussutissaavoq. Soorlu kuseriarnerit sikumik aseruisartut quppanillu pilersitsillutik.*

## **KATTUFFIK**

### **Siulersuisut katitigaanerat**

2024 ataatsimeersuarnermi siulersuisut nutaat toqqarneqarput. Inuk Lundblad siuitaasut toqqarneqarpoq. Christian P. Jerimiassen, Marina Reimer, Sheila Sariboga kiisalu Birta í Dali ilaasortatut qinigaallutik.

Aasap ingerlanerani Christian P. Jerimiassen Marina Reimerilu siulersuisuni ilaasortaajunnaarput, taarserinarlugillu immikkut ittumik ataatsimeersuarnerit marluk ingerlanneqarput.

Ukiup naanerani siulersuisut ukuupput: Inuk Lundblad, Birta í Dali, Sheila Sariboga, Dorte Munch og Tobias Qvist-Aaen.

Siulersuisunut ilaasortaatinneqarput marluk ilisimatuutut inissinneqarsimasut taakkuli taaseqataasinnaatitaangillat tassaasullu: Anita Hoffer Thomas Trier Hansenilu.

Siulersuisoqatigiit ataatsimiinneri teamitut ataatsimiinner-tut ingerlanneqartarsimapput, tamanit naammagisimaar-neqartumik.

2024-p naanerani Transparency International Greenlandimi ilaasortat amerlassusaa: inuttut ilaasortat 45-t suliffeqarfiillu 20-t. Ajoraluarmik Nuna Law Royal Greenland A/S-Ilu 2024-mi ilaasortaajunnaarnertik nalunaarutigaa.

## **SULIFFEQARFIIT ILUINI WHISTLEBLOWEREQARNISSAQ INNARLIISARNERMULLU POLITIKKEQARNISSAQ**

Siulersuisut aaliangernikuupput, innarligaasimanermit naammagittaalliutit tigoqqaaasinnaanissamat allaffeqarfimmilu siulersuisut inuttaannut/atorfilittanullu tunngatillugu whistleblowereqalernissamat politikksamik, sanarusullutik. Peruserissavarput naammigittaalliutit ileqqorissaarnermut komitemut ingerlateqqillugit tunniussisullu kinaassusaa isertuukkumallugu una maileq [ethic@transparency.gl](mailto:ethic@transparency.gl) pilersillutigu.

Naammagittaalliuteqarnissamat ilitsersuut uunga iserluni aaneqarsinnaavoq <https://www.transparency.gl/wp-content/uploads/TIG-klagevejledning-.pdf>

## **ILEQQORISSAARNERMUT KOMITEP ILAASORTAI**

Thomas Trier Hansen, siulittaasoq, Sheila Sariboga siulersuisunit aallartitaq, Birgit Niclasen, ilaasortat qinigaat.

## **ANINGAASAQARNEQ**

Peqatigiiffik ukiut ingerlanerini aningaasatigut isumannaatumik toqqammaveqarnikuuvoq. Tips & Lotto ukiumoortumik ingerlatsinermit 90.000 kr. -nininik tapiissuteqartarpoq. Ilaasortat akiliutaat aalaakkaasumik sulii 100.000 kr. misarpiaaniipput. GrønlandsBANKIP Inuussutissarsiornermit aningaasaateqarfia ukiut ingerlanerini aningaasaliisartut pingaarnertut inissisimavoq, 2023-milu 75.000 kr. -nininik ingerlatsinermit pilersaarusiortugillu sammisassianut tapiissuteqarluni.

2024-mut GrønlandsBANKENip Inuussutissarsiornermit aningaasaateqarfia nalunaarpoq 75.000 kr-nininik tunissuteqassalluni.

Ulluinnarni aqutsisoqarfeqarnissarput pisariaqarpoq, aammattaq nammineerluta uninngasuuteqarnissarput pisariaqarluni, aningaasaateqarfinnut qinnuteqaateqarnermi. Siulersuisut ilinniartunik ataatsimik marlunnilluunniit ikiorteqarusuttarput, pissaqartilluta, aningaasat pigisat apeqquaatillugit. Sutigut tamatigut sipaarniartuuvugut, siulersuisut aningaasaqarneq isumakuluutigisarpaat, siunissaq ungasinerusoq eqqarsaatigalugu taamaammat isertitaqaataasinnaasussanik nutaanik ujarlernertik ingerlatiinnarpaat.

## **ANINGAASAATEQARFIIT TAPISSUTILLU**

- GrønlandsBANKENip Inuussutissarsiornermit aningaasaateqarfianiik; 75.000 kr Allaffissornermit pilersaarusiortugillu sammisassianut tapiissutit.
- Tips & Lotto Pulje C; 90.000 kr. allaffissornermit tapiissutit, inimik attartorneq ilaalluni.
- Tips og Lotto, Pulje C; 43.327 kr. IACC 24
- GE; naatsorsuutit allattuinermi ikiortaaneq
- Tumi Consulting; inimik ataatsimiiffiusinnaasumik akeqanngitsumik periarfissiineq
- Kommuneqarfik Sermersooq; ataatsimeersuartoqarnerani oqalutseqarneq



Meeqqap titartagaa, TI-Colombia-mit tigulaagaaq

## TRANSPARENCY INTERNATIONAL

### NUNARSUAQ TAMAKKERLU ATUUTTUMIK PEQQUSERLUTTARNERMUT AKIUINIAQATIIFFIK

Transparency Internationalip anguniagaraa qulakkiissallugu silarsuaq tamakkerlugu, naalakkersuisuuppata, politikkiuppat, inuussutissarsiornermut ingerlatsiviuppat, innuttat akornaniippat inuillu ulluinnaanniippat, tamagitsigut peqquserluttoqartannginnissaa tamannalu anguniarniarpaat akimut ersarissaasarnissamik, akisussaaffeqarnissamik innarliinginnissamik saqqummiussaqaqattaartarnikkut oqariartuuteqaqattaartarnikkullu, kikkunnut tamanut piffinnut tamanut siammarterinermigut. Kattuffik nunarsuaq tamakkerlugu 100 sinnerlugit immikkoortortaqaqpoq, Berlinimi allaffissuaqarluni qullersaqarfiusumik. TI peqquserluuterpassuarnik uppersaasarpog ajornartorsiutaaneraniillu nittersaassilluni Naalakkersuisunik, inuussutissarsiornerrullu iluani ingerlassalinnik inuiaqatigiinnilu innuttaasunik suleqateqartarluni, periutsinik atuutsitsiniaasuulluni, peqquserluttarnermut akiuutaasinnaasunik innersuussuteqartarluni.

Nunani immikkoortortat najugaqarfinni kattuffinnut sumullunniit attuumassuteqaratik suliniaqatigiiffiupput, nunagisaminni ingerlatsillutik nunarsuup sinneranut TI attaveqaatigalugu. Immikkoortortaqaarfiit tamarmik siulersuisuutitaqartarput, ilaasortaqaqlutik, periutsitigut maleruagassaqaqlutik nammineerlutillu aningaasaqarnertik aquttussaasarlugu, Berlinimi TI-p qullersaqarfiata ilisimasaminnik sakkussanillu tuniorartarpaat (soorlu Corruption Perception Index, Global Corruption Barometer, NIS-metoden il.il.), kisianni sammisaqartitsinissartaa aningaasaliiffiginnaangilaat. Qullersaarfiup allaffeqarfiisuata ukiumoortumik aqqissuuttarpai

piffinni nunarsuaq tamakkerlugu ataatsimeeqatigiinnissat, tamakkunani immikkoortortaqaarfiit misilittakkaminnik avitseqatigiittarput, suleqatigisinnaasaminnik nassaartarput, ilisimatusarnikkullu angusat kingullit avitseqatigiiffisarpaat, suliniut angusat IT-p iluani tamakkiisutigit ingerlasumik.

Transparency International Greenland (TIG) aqqissussinerup taassuma ataaniipput TI-milu anguniakkanik tapersuisuulluni.

Immikkoortortaqaarfiit 64-t allat peqatigalugit Naalagaaffiit Peqatigiit qullersaanut allakkamut TIG atsiqataavoq: Summit of the Future open letter: Making the fight against corruption a priority. <https://ti-defence.org/publications/summit-of-the-future-open-letter-making-the-fight-against-corruption-a-priority-action/>

Periussissiaq 2030-p tungaanut atuuttoq *Holding Power to Account* ukiumoortumik ulluni pingasuni ingerlassami onlinekkut ataatsimiissutigineqartarpoq atuutsinniarnernut malitseqartisinertut.

2023 Ukkimoortumik ataatsimiinnermi marlussunnik aaliangersaasoqarpoq.

1. TI-mi sulinikkut aqutsinikkullu naapertuilluurtumik peqataatsineq
2. Politikikkut partiinut qineqqusaarnernilu aningasaliissutitigit akimut ersarissaasarnissatigit pitsanngorsaanissaq.

